



## 《漢書·李陵、蘇武傳》參考資料（2012）



【本著作除另有註明外，採取創用 CC「姓名標示—非商業性—相同方式分享」台灣 3.0 版授權釋出】

- 1、〈李陵傳〉既慷慨悲涼，復哀傷低徊，令人扼腕浩歎，不能自己；〈蘇武傳〉則悲壯高亢，令人歎服，然亦不得不對「忠君」觀念有所省思焉。  
  
〈蘇武傳〉旨在表彰忠義，旌揚節操，故以「節」字貫串全篇。「節」既指蘇武所常操持之「節」，又暗喻蘇武之節操、氣節。
- 2、侍中，官名，秦置五人，往來殿內東廂奏事，故云。漢以為加官，多至數十人。舊用儒者，後多用貴胄子弟，侍帝左右，掌乘輿服物。
- 3、貳師將軍，《漢書·李廣利傳》：「李廣利，女弟李夫人有寵於上，產昌邑哀王。太初元年，以廣利為貳師將軍，發屬國六千騎及郡國惡少年數萬人以往，期至貳師城取善馬，故號『貳師將軍』。故浩侯王恢使道軍。既西過鹽水，當道小國各堅城守，不肯給食，攻之不能下。下者得食，不下者數日則去。比至郁成，士財有數千，皆飢罷。攻郁成城，郁成距之，所殺傷甚眾。貳師將軍與左右計：『至郁成尚不能舉，況至其王都乎？』引而還。往來二歲，至敦煌，士不過十一二。使使上書，言：『道遠，多乏食，且士卒不患戰而患飢。人少，不足以拔宛。願且罷兵，益發而復往。』天子聞之，大怒，使使遮玉門關，曰：『軍有敢入，斬之。』貳師恐，因留屯敦煌。……征和三年，貳師復將七萬騎出五原，擊匈奴，度鄜居水。兵敗，降匈奴，為單于所殺。語在〈匈奴傳〉（文見參考資料8）。」
- 4、路博德，原為驃騎將軍霍去病部下，傳附《史記·驃騎將軍列傳》末：「將軍路博德，〔西河〕平州人，以右北平太守從驃騎將軍，有功，為符離侯。驃騎死後，博德以衛尉為伏波將軍，伐破南越，益封。其後坐法失侯；為彊弩都尉，屯居延，卒。」

5、趙破奴，亦為驃騎將軍霍去病部下，傳附《史記·驃騎列傳》末：「將軍趙破奴，故九原人。嘗亡入匈奴，已而歸漢，為驃騎將軍司馬。出北地，時有功，封為從驃侯，坐酎金失侯。後一歲，為匈河將軍，攻胡至匈河水，無功。後二歲，擊虜樓蘭，復封為浞野侯。後六歲，為浚稽將軍，將二萬騎擊匈奴左賢王，左賢王與戰，兵八萬騎圍破奴，破奴生為虜所得，遂沒其軍。居匈奴中十歲，復與其太子安國亡入漢。後坐巫蠱，族。」

6、公孫敖，為大將軍衛青部下，傳附《史記·衛將軍列傳》傳末：「公孫敖，義渠人。以郎事武帝（宜從《漢書》作『景帝』），武帝立十二歲，為（驃）騎將軍出代，亡卒七千人，當斬，贖為庶人。後五歲，以校尉從大將軍有功，封為合騎侯。後一歲，以中將軍從大將軍，再出定襄，無功。後二歲，以將軍出北地，後驃騎期，當斬，贖為庶人。後二歲，以校尉從大將軍，無功。後十四歲，以因杆將軍築受降城。七歲，復以因杆將軍再出擊匈奴，至余吾，亡士卒多，下吏，當斬；詐死，亡居民間五六歲；後發覺，復繫。坐妻為巫蠱，族。」

7、鉦，古樂器名，亦名丁寧。形似鐘而狹長，有長柄，用時口朝上，以槌敲擊。行軍時用以節止步伐。鐃，古軍樂器。《周禮·地官》「鼓人」：「以鐃節之」，鄭玄《注》：「鐃，鉦也。形如小鐘，軍行鳴之，以為鼓節。」

8、《漢書·匈奴傳》：

烏維單于立十餘歲死，子詹師廬立，年少，號為兒單于。是歲，元封六年（105 B.C.）也。自是後，單于益西北，左方兵直雲中，右方兵直酒泉、敦煌。

兒單于立，漢使兩使，一人弔單于，一人弔右賢王，欲以乖其國。使者入匈奴，匈奴悉將致單于。單于怒而悉留漢使。漢使留匈奴者前後十餘輩，而匈奴使來漢，亦輒留之相當。

是歲，漢使貳師將軍西伐大宛，而令因杆將軍築受降城。其冬，匈奴大雨雪，畜多飢寒死，而單于年少，好殺伐，國中多不安。左大都尉欲殺單于，使人間告漢，曰：「我欲殺單于降漢，漢遠，漢即來兵近我，我即發。」初，漢聞此言，故築受降城，猶以為遠。

其明年春，漢使浞野侯破奴將二萬騎出朔方二千餘里，期至浚稽山而還。浞野侯既至期，左大都尉欲發而覺，單于誅之，發兵擊浞野侯。

浞野侯行捕首虜數千人。還，未至受降城四百里，匈奴八萬騎圍之。浞野侯夜出自求水，匈奴生得浞野侯，因急擊其軍。軍吏畏亡將而誅，莫相勸而歸，軍遂沒於匈奴。單于大喜，遂遣兵攻受降城，不能下，乃侵入邊而去。明年，單于欲自攻受降城，未到，病死。

兒單于立三歲而死。子少，匈奴乃立其季父烏維單于弟右賢王句黎湖為單于。是歲，太初三年（102 B.C.）也。

句黎湖單于立，漢使光祿徐自為出五原塞數百里，遠者千里，築城障列亭至盧朐，而使游擊將軍韓說、長平侯衛伉屯其旁，使強弩都尉路博德築居延澤上。

其秋，匈奴大入雲中、定襄、五原、朔方，殺略數千人，敗數二千石而去，行壞光祿所築亭障。又使右賢王入酒泉、張掖，略數千人。會任文擊救，盡復失其所得而去。聞貳師將軍破大宛，斬其王還，單于欲遮之，不敢，其冬病死。

句黎湖單于立一歲，死，其弟左大都尉且鞮侯立為單于。

漢既誅大宛，威震外國，天子意欲遂困胡，乃下詔曰：「高皇帝遺朕平城之憂，高后時單于書絕悖逆。昔齊襄公復九世之讎，《春秋》大之。」是歲，太初四年（101 B.C.）也。

且鞮侯單于初立，恐漢襲之，盡歸漢使之不降者路充國等於漢。單于乃自謂：「我兒子，安敢望漢天子！漢天子，我丈人行。」漢遣中郎將蘇武厚幣賂遺單于，單于益驕，禮甚倨，非漢所望也。<sup>1</sup>明年，浞野侯破奴得亡歸漢。

其明年，漢使貳師將軍將三萬騎出酒泉，擊右賢王於天山，得首虜萬餘級而還。匈奴大圍貳師，幾不得脫，漢兵物故什六七。漢又使因杆將軍出西河，與強弩都尉會涿邪山，亡所得。使騎都尉李陵將步兵五千人出居延北千餘里，與單于會，合戰，陵所殺傷萬餘人，兵食盡，欲歸，單于圍陵，陵降匈奴，其兵得脫歸漢者四百餘人。單于乃貴陵，以其女妻之。<sup>2</sup>

後二歲，漢使貳師將軍六萬騎，步兵七萬，出朔方；強弩都尉陸博德將萬餘人，與貳師會；游擊將軍〔韓〕說步兵三萬人，出五原；因杆

---

<sup>1</sup> 蘇武出使匈奴。

<sup>2</sup> 李陵降匈奴。

將軍敖將騎萬，步兵三萬人，出雁門。匈奴聞，悉遠其累重於余吾水北，而單于以十萬待水南，與貳師接戰。貳師解而引歸，與單于連鬥十餘日。游擊亡所得；因杆與左賢王戰，不利，引歸。

明年，且鞮侯單于死，立五年，長子左賢王立為狐鹿姑單于。是歲，太始元年（96 B.C.）也。初，且鞮侯兩子，長為左賢王，次為左大將，病且死，言立左賢王。左賢王未至，貴人以為有病，更立左大將為單于。左賢王聞之，不敢進。左大將使人召左賢王而讓位焉。左賢王辭以病，左大將不聽，謂曰：「即不幸死，傳之於我。」左賢王許之，遂立為狐鹿姑單于。狐鹿姑單于立，以左大將為左賢王，數年病死，其子先賢擇不得代，更以為日逐王。日逐者，賤於左賢王。單于自以其子為左賢王。

單于既立六年，而匈奴入上谷、五原，殺略吏民。其年，匈奴復入五原、酒泉，殺兩部都尉。於是漢遣貳師將軍七萬人出五原，御史大夫商丘成將三萬餘人出西河；重合侯莽通將四萬騎出酒泉千餘里。單于聞漢兵大出，悉引其輜重徙趙信城北邸邳居水。左賢王驅其人民度余吾水六七百里，居兜銜山；單于自將精兵左安侯度姑且水。御史大夫軍至追邪徑，無所見，還。匈奴使大將與李陵將三萬餘騎追漢軍，至浚稽山合，轉戰九日，漢兵陷陳卻敵，殺傷虜甚眾。至蒲奴水，虜不利，還去。重合侯軍至天山，匈奴使大將偃渠與左右呼知王將二萬餘騎要漢兵，見漢兵強，引去。重合侯無所得失。是時，漢恐車師兵遮重合侯，乃遣閻陵侯將兵別圍車師，盡得其王民眾而還。

貳師將軍將出塞，匈奴使右大都尉與衛律將五千騎要漢軍於夫羊白山狹。貳師遣屬國胡騎二千與戰，虜兵壞敗，死傷者數百人。漢軍乘勝追北，至范夫人城，匈奴奔走，莫敢距敵。會貳師妻子坐巫蠱收，聞之憂懼，其掾胡亞夫亦避罪從軍，說貳師曰：「夫人室家皆在吏，若還不稱意，適與獄會，邳居以北可復得見乎？」貳師由是狐疑，欲深入要功，遂北至邳居水上。虜已去，貳師遣護軍將二萬騎度邳居之水。一日，逢左賢王、左大將將二萬騎與漢軍合戰一日，漢軍殺左大將，虜死傷甚眾。軍長史與決眭都尉輝渠侯謀曰：「將軍懷異心，欲危眾求功，恐必敗。」謀共執貳師。貳師聞之，斬長史，引兵還，至速邪烏燕然山。單于知漢軍勞倦，自將五萬騎遮擊貳師，相殺傷甚眾。夜塹漢軍前，深數尺，從後急擊之，軍大敗亂，貳師降。<sup>3</sup>單于素知其漢大將貴臣，以女妻之，尊

---

<sup>3</sup> 貳師將軍李廣利降匈奴。

寵在衛律上。

其明年，單于遣使遺漢書，云：「南有大漢，北有強胡。胡者，天之驕子也，不為小禮以自煩。今欲與漢闔大關，取漢女為妻，歲給遺我檠酒萬石，稷米五千斛，雜繒萬匹，它如故約，則邊不相盜矣。」漢遣使者報送其使，單于使左右難漢使者，曰：「漢，禮義國也。貳師道前太子發兵反，何也？」使者曰：「然，乃丞相私與太子爭鬥，太子發兵欲誅丞相，丞相誣之，故誅丞相。此子弄父兵，罪當笞，小過耳。孰與冒頓單于身殺其父代立，常妻後母，禽獸行也！」單于留使者，三歲乃得還。

貳師在匈奴歲餘，衛律害其寵，會母闕氏病，律飭胡巫言先單于怒，曰：「胡故時祠兵，常言得貳師以社，今何故不用？」於是收貳師，貳師罵曰：「我死必滅匈奴！」遂屠貳師以祠。會連雨雪數月，畜產死，人民疫病，穀稼不孰，單于恐，為貳師立祠室。

自貳師沒後，漢新失大將軍士卒數萬人，不復出兵。三歲，武帝崩（案：武帝卒於後元二年，87 B.C.）。前此者，漢兵深入窮追二十餘年，匈奴孕重墮殯，罷極苦之。自單于以下常有欲和親計。……

9、由余，先世為晉人，亡入戎。初仕於戎，奉戎王命使秦以觀穆公之德。穆公愛之，行女樂以惑戎王，由余諫不聽，穆公使人說之，後遂歸秦，助秦伐戎。

10、延伸與進階閱讀：

司馬遷：〈報任安書〉

《史記》：〈李將軍列傳〉

〈匈奴列傳〉

〈衛將軍驃騎列傳〉

《漢書》：〈李廣利傳〉

傅樂成：〈西漢的幾個政治集團〉，《漢唐史論集》，聯經出版

：〈漢代的山東與山西〉，同上

羅龍治：〈石破天驚逗秋雨——法家統治下李廣三代狂飆英雄的悲劇〉，《狂飆英雄的悲劇》，言心出版社



- 11、郭吉使匈奴在元封元年（110 B.C.）。路充國使匈奴在元封四年（107 B.C.）。蘇武於李陵降匈奴前一年（天漢元年，100 B.C.）陷匈奴。
- 12 節，符節，以竹為竿，柄長八尺，上綴旄牛尾，古時使臣執以示信。節旄，即節上所綴旄牛尾飾物。
- 13、區脫，歷來說解甚多，疑係音譯，指兩國邊界上的散居部落。《漢書·匈奴傳》：「〔東胡〕與匈奴，中間有棄地，莫居，各居其邊，為甌脫。」  
 又云：「匈奴所與我界，甌脫外棄地，匈奴不能至也。」  
 又云：「〔匈奴〕入邊為寇，漢兵追之，……生得甌脫王。……匈奴見甌脫王在漢，恐以為導擊之，即西北遠去。……發人民屯甌脫。」  
 甌脫即區脫。
- 14、奉車，指奉車都尉，《漢書·百官公卿表》：「奉車都尉，掌御乘輿車；……武帝初置，秩比二千石。」
- 15、宿昔，早晚。昔，通夕，《莊子·齊物論》：「昔者莊周夢為胡蝶。」  
 昔即夕。或解為向來。
- 16 《禮記·王制》：「天子社稷皆太牢，諸侯社稷皆少牢。」  
 太牢，古代祭祀，牛、羊、豕三牲具備，謂之太牢，《莊子·至樂》成玄英《疏》：「太牢，牛、羊、豕也。」  
 唯亦有專指牛為太牢者，如《大戴禮·曾子天圓》：「諸侯之祭，牛，曰太牢；大夫之祭，牲羊，曰少牢；士之祭，牲特豕，曰饋食。」  
 何休《公羊注》：「牛、羊、豕凡三牲，曰太牢；羊、豕凡二牲，曰少牢。」  
 《左傳·襄公二十二年》：「祭以特羊，殷以少牢」，  
 杜預《注》：「四時祀以一羊，三年盛祭羊、豕。殷，盛也。」  
 明·李時珍《本草綱目·獸一》「牛」條：「〔牛〕《周禮》謂之『太牢』。牢乃豢畜之室，牛牢大，羊牢小，故皆得名。」  
 清·趙翼《陔餘叢考》卷三「太牢少牢」條：「《禮記》『太牢』《注》：『牛、羊、豕也。』是羊、豕亦在太牢內矣。《國語》『鄉舉少牢』《注》：『少牢，羊、豕也。』則羊與豕俱稱少牢矣。其不兼用二牲而專用一羊或一豕者，則曰特羊、特豕，可知太牢不專言牛，少牢不專羊也。後世乃以牛為太牢，羊為少牢，不知始於何時。……按《國語》〈屈到嗜芰〉篇：『國君有牛享，大夫有羊饋』，韋昭《注》曰：『牛，太牢也；羊饋，少牢也。』則專以牛為太牢、羊為少牢，其誤蓋自韋昭始也。」  
 一說以羊為少牢，乃舉羊以該豕，《大戴禮記·曾子天圓》「牲羊曰少牢」，  
 清·孔廣森《補注》云：「少牢，舉羊以賅豕。」



《國語·楚語上》「屈到嗜芟」章：「屈到嗜芟。有疾，召其宗老而屬之，曰：『祭我必以芟。』及祥，宗老將薦芟，屈建命去之。宗老曰：『夫子屬之。』子木曰：『不然。夫子承楚國之政，其法刑在民心，而藏在王府，上之可以比先王，下之可以訓後世，雖微楚國，諸侯莫不譽。其〈祭典〉有之曰：國君有牛享，大夫有羊饋，士有處犬之奠，庶人有魚炙之薦，籩豆脯醢則上下共之。不羞珍異，不陳庶侈。夫子不以其私欲干國之典。』遂不用。」

可見古代祭禮不可越級，亦不得任意更換。

「特牢」指單用一牲，未指明特羊、特豕、特豚者，則指用牛為牲。單用羊與豕為「少牢」，後專以指單用羊為少牢。

17、上官桀父子、桑弘羊等謀反事，見《漢書·霍光傳》。上官桀，武帝末年，以功封安陽侯，與霍光同輔昭帝，桀子安，娶霍光女，生女僅六歲，即為昭帝皇后。安以后父封桑樂侯，日益驕淫。桀父子欲濫行封賞，為霍光所阻，乃大怨霍光，欲廢昭帝、殺霍光，立燕王。事敗，宗族盡誅。桑弘羊，本洛陽商人之子，為漢武帝理財，以鹽、鐵、運輸等為國營專利，以搜括民財；至昭帝時，弘羊不再受重用，乃與上官桀等共同謀反，被殺。燕王，名旦，武帝第三子，昭帝之兄，因不得為帝而與上官桀父子謀反，事洩，自殺，謚為「刺」。蓋主，武帝長女，昭帝長姊，昭帝由她撫養長大，封為鄂邑長公主；夫姓王，封蓋侯，故稱蓋主。上官桀父子事跡又見《漢書·外戚傳》，桑弘羊事跡又見《漢書·食貨志》，燕王旦事跡見《漢書·武五子傳》，蓋主事散見《漢書》〈外戚傳〉、〈武五子傳〉、〈昭帝紀〉。

18、武以故二千石與計謀立宣帝：昭帝死（元平元年，74 B.C.），無子，霍光等立武帝子昌邑哀王驁之子賀為帝。賀在位二十七日，行淫亂。光乃廢賀，改立劉詢——武帝長子據之孫——是為宣帝。事詳〈霍光傳〉。蘇武參與朝臣立宣帝之事，故死後稱為「中興名臣」，甘露三年（51 B.C.）宣帝圖畫朝臣於麒麟閣，蘇武亦在其列。

19、班固《漢書·蘇武傳贊》：武來歸明年，上官桀子安與桑弘羊及燕王、蓋王謀反。武子男元與安有謀，坐死。

初桀、安與大將軍霍光爭權，數疏光過失予燕王，令上書告之。又言蘇武使匈奴二十年不降，還乃為典屬國，大將軍長史無功勞，為搜粟都

尉，光顯權自恣。及燕王等反誅，窮治黨與，武素與桀、弘羊有舊，數為燕王所訟，子又在謀中，廷尉奏請逮捕武。霍光寢其奏，免武官。

數年，昭帝崩，武以故二千石與計謀立宣帝，賜爵關內侯，食邑三百戶。久之，衛將軍張安世薦武明習故事，奉使不辱命，先帝以為遺言。宣帝即時召武待詔宦者署，數進見，復為右曹典屬國。以武著節老臣，令朝朔望，號稱祭酒，甚優寵之。

武所得賞賜，盡以施予昆弟故人，家不餘財。皇后父平恩侯、帝舅平昌侯、樂昌侯、車騎將軍韓增、丞相魏相、御史大夫丙吉皆敬重武。武年老，子前坐事死，上閔之，問左右：「武在匈奴久，豈有子乎？」武因平恩侯自白：「前發匈奴時，胡婦適產一子通國，有聲問來，願因使者致金帛贖之。」上許焉。後通國隨使者至，上以為郎。又以武弟子為右曹。武年八十餘，神爵二年病卒。

甘露三年，單于始入朝。上思股肱之美，乃圖畫其人於麒麟閣，法其形貌，署其官爵姓名。唯霍光不名，曰大司馬大將軍博陸侯姓霍氏，次曰衛將軍富平侯張安世，次曰車騎將軍龍 侯韓增，次曰後將軍營平侯趙充國，次曰丞相高平侯魏相，次曰丞相博陽侯丙吉，次曰御史大夫建平侯杜延年，次曰宗正陽城侯劉德，次曰少府梁丘賀，次曰太子太傅蕭望之，次曰典屬國蘇武。皆有功德，知名當世，是以表而揚之，明著中興輔佐，列於方叔、召虎、仲山甫焉。凡十一人，皆有傳。自丞相黃霸、廷尉于定國、大司農朱邑、京兆尹張敞、右扶風尹翁歸及儒者夏侯勝等，皆以善終，著名宣帝之世，然不得列於名臣之圖，以此知其選矣。



贊曰：李將軍恂恂如鄙人，口不能出辭，及死之日，天下知與不知皆為流涕，彼其中心誠信於士大夫也。諺曰：「桃李不言，下自成蹊。」此言雖小，可以喻大。然三代之將，道家所忌，自廣至陵，遂亡其宗，哀哉！孔子稱「志士仁人，有殺身以成仁，無求生以害仁」<sup>4</sup>，「使於四方，不辱君命」<sup>5</sup>，蘇武有之矣。📖

20、《史記·衛將軍驃騎列傳》「太史公曰」：「蘇建語余曰：吾嘗責大將軍至尊重，而天下之賢士大夫毋稱焉，願將軍觀古名將所招選擇賢者，











4 語見《論語·衛靈公》。











5 語見《論語·子路》。



勉之哉。大將軍謝曰：自魏其、武安之厚賓客，天子常切齒。彼親附士大夫，招賢誦不肖者，人主之柄也。人臣奉法守職而已，何與招士？驃騎亦放此，其為將如此。」又〈佞幸列傳〉末云：「衛青、霍去病，亦以外戚貴幸，然頗用材能自進。」

頁碼	作品引用內容	版權標示	作者／來源
1-11	字體：華康魏碑體、華康中明體、華康仿宋體		本作品由「威鋒數位開發股份有限公司」授權，且無再授權他人使用之權利。您如需利用本作品，請另向權利人取得授權。
1	李廣利，女弟李夫人有寵於上……兵敗，降匈奴，為單于所殺。語在〈匈奴傳〉」		班固：《漢書·李廣利傳》。本作品已超過著作財產權存續期間，屬公共領域之著作。
1	將軍路博德……為彊弩都尉，屯居延，卒。		司馬遷：《史記·驃騎將軍列傳》。本作品已超過著作財產權存續期間，屬公共領域之著作。
2	將軍趙破奴，故九原人……後坐巫蠱，族。		司馬遷：《史記·驃騎將軍列傳》。本作品已超過著作財產權存續期間，屬公共領域之著作。
2	公孫敖，義渠人……坐妻為巫蠱，族。		司馬遷：《史記·衛將軍列傳》。本作品已超過著作財產權存續期間，屬公共領域之著作。
2	以鐃節之		戴聖：《周禮·地官》。本作品已超過著作財產權存續期間，屬公共領域之著作。
2	鐃，鉦也。形如小鐘，軍行鳴之，以為鼓節。		鄭玄：《周禮注》。本作品已超過著作財產權存續期間，屬公共領域之著作。
2-5	烏維單于立十餘歲死……自單于以下常有欲和親計。		班固：《漢書·匈奴傳》。本作品已超過著作財產權存續期間，屬公共領域之著作。

5	由余，先世為晉人，亡入戎。……穆公使人說之，後遂歸秦，助秦伐戎。		班固：《漢書·西羌傳》。本作品已超過著作財產權存續期間，屬公共領域之著作。
6	〔東胡〕與匈奴，中間有棄地，莫居，各居其邊，為甌脫。		班固：《漢書·匈奴傳》。本作品已超過著作財產權存續期間，屬公共領域之著作。
6	匈奴所與我界，甌脫外棄地，匈奴不能至也。		班固：《漢書·匈奴傳》。本作品已超過著作財產權存續期間，屬公共領域之著作。
6	〔匈奴〕入邊為寇，漢兵追之，……發人民屯甌脫。		班固：《漢書·匈奴傳》。本作品已超過著作財產權存續期間，屬公共領域之著作。
6	奉車都尉，掌御乘輿車；……武帝初置，秩比二千石。		班固：《漢書·百官公卿表》。本作品已超過著作財產權存續期間，屬公共領域之著作。
6	昔者莊周夢為胡蝶。		莊周：《莊子·齊物論》。本作品已超過著作財產權存續期間，屬公共領域之著作。
6	天子社稷皆太牢，諸侯社稷皆少牢。		戴聖：《禮記·王制》。本作品已超過著作財產權存續期間，屬公共領域之著作。
6	太牢，牛、羊、豕也。		成玄英《莊子疏》。本作品已超過著作財產權存續期間，屬公共領域之著作。
6	諸侯之祭，牛，曰太牢；大夫之祭，牲羊，曰少牢；士之祭，牲特豕，曰饋食。		戴德：《大戴禮·曾子天圓》。本作品已超過著作財產權存續期間，屬公共領域之著作。
6	牛、羊、豕凡三牲，曰太牢；羊、豕凡二牲，曰少牢。		何休：《公羊注》。本作品已超過著作財產權存續期間，屬公共領域之著作。

6	祭以特羊，殷以少牢		左丘明：《左傳·襄公二十二年》。本作品已超過著作財產權存續期間，屬公共領域之著作。
6	四時祀以一羊，三年盛祭羊、豕。殷，盛也。		杜預：《春秋左傳注》。本作品已超過著作財產權存續期間，屬公共領域之著作。
6	〔牛〕《周禮》謂之『太牢』。牢乃豢畜之室，牛牢大，羊牢小，故皆得名。		明·李時珍：《本草綱目·獸一》。本作品已超過著作財產權存續期間，屬公共領域之著作。
6	《禮記》『太牢』《注》：『牛、羊、豕也。』……其誤蓋自韋昭始也。		清·趙翼：《陔餘叢考》。本作品已超過著作財產權存續期間，屬公共領域之著作。
6	牲羊曰少牢		戴德：《大戴禮記·曾子天圓》。本作品已超過著作財產權存續期間，屬公共領域之著作。
6	少牢，舉羊以賅豕。		清·孔廣森：《大戴禮記補注》。本作品已超過著作財產權存續期間，屬公共領域之著作。
7	屈到嗜芰。有疾……遂不用。		作者不詳：《國語·楚語上》。本作品已超過著作財產權存續期間，屬公共領域之著作。
7	上官桀，武帝末年，以功封安陽侯……欲廢昭帝、殺霍光，立燕王。事敗，宗族盡誅		摘要自班固：《漢書·霍光傳》。本作品已超過著作財產權存續期間，屬公共領域之著作。
7-8	武來歸明年……蘇武有之矣。		班固：《漢書·蘇武傳贊》。本作品已超過著作財產權存續期間，屬公共領域之著作。
8-9	蘇建語余曰……驃騎亦放此，其為將如此。		司馬遷：《史記·衛將軍驃騎列傳》。本作品已超過著作財產權存續期間，屬公共領域之著作。

9	衛青、霍去病，亦以外戚貴幸，然頗用材能自進。		司馬遷：《史記·佞幸列傳》。本作品已超過著作財產權存續期間，屬公共領域之著作。
---	------------------------	---	---